



津報

西歷一千九百五十五年十二月廿八號

光緒三十一年十二月初三日
第七十七號
禮拜四

本館開設天津宮北大街路西 電話第三百九十號

本埠

零售每份大洋二角
全年六元加郵費一元八角
半年三元二角加郵費九角
外埠全年六元加郵費二元二角
半年三元二角加郵費一元二角

外埠

全年六元加郵費二元二角
半年三元二角加郵費一元二角
本埠全年六元加郵費一元八角
半年三元二角加郵費九角

代派處

- 北京琉璃廠橋西路北公慎書局
- 保定府北大街官書局
- 奉天省城振泰報局
- 錦州同益分報館
- 上海各大報館
- 河南省城北大街街開封總派報處
- 長沙府永豐倉三聖殿聚珍棧劉翰莊
- 常德府城內神武寺側益智書局
- 湖北漢口城內廣濟書局
- 漢口存仁巷後寶明齋書局
- 陝西大馬路街巷派報處陳漢卿
- 山東濟南日新報館
- 山西太原府晉報館
- 成都桂王橋圖書局
- 又學道街二四山房
- 瀘州開智書局
- 宜昌昌明公司支店
- 安慶三牌樓利和布號
- 蕪湖大街玉林堂筆店
- 合肥書報社
- 南昌源發報莊
- 又百花洲廣智書莊
- 萬載啓化書局
- 贛州府學前日新公司
- 九江招商局
- 又花牌樓譚宅
- 香港商務印書館
- 廣東廣府前大馬路裕和堂書報館
- 又十八甫廣智分局
- 嘉應州新書局
- 惠州泰昌店
- 福州城內湖北會館黃君
- 汕頭今學書局
- 廈門搭子街宗道莊
- 杭州城頭巷白話報館
- 嘉興荷花堤日新學報社
- 寧波盧鶴汀
- 又和泰信局劉金貴
- 紹興昌安門外王寺達材學堂
- 又圓通寺申昌
- 硤石萃順昌輪船局
- 溫州南門外南琴舫
- 又府前街日新書局
- 南京東牌樓王慶昌
- 鎮江揚子江白話報社
- 揚州磚街南頭中報分館
- 如皋北門內丁家巷民立學堂
- 蘇州城內接駕橋新書社
- 無錫錫金派報所
- 常熟寺前街記書莊
- 松江西門外蘇州內明新書局
- 又富家弄益智社
- 廣西桂平寶興館內
- 梧州兆安祥
- 龍州電報局
- 盛京同益分報館

本報徵文告白

本報徵文大意已詳九月十八日報端諸同志有惠寄大著爲本報所登載者每篇贈銀五圓不登者恕不還稿特白

本館添聘訪友廣告

本報開辦以來力求進步南北各埠業經廣延訪友隨時通信惟本報既居本國北部凡本省各府州縣各大鎮市暨東西北各省會以及鐵路交通之處尤應多置訪友且夕報告以廣見聞而開風氣今將應添訪友各處開列於後

北京	通州	保定府	承德府	朝陽府	永平府	河間府	正定府
順德府	廣平府	大名府	宣化府	張家口	瀋陽	錦州	營口
哈爾濱	吉林	長春	海參崴	開封府	信陽州	濟南府	太原府
蘭州府	迪化府	伊犁府					

以上各處如有熱心報界願爲本館訪友者請即試寄新聞五日示明住址倘能合格本館必竭誠歡迎優贈薪水專函聘訂特此廣告

嚴杜招搖

本館所訂本埠外埠各訪友類皆明理自好之士如有冒稱本館訪事招搖索詐者必非安分之徒望即扭送有司衙門懲究勿爲其所惑切切特白

外埠報諸君鑒

啓者本館自九月十五日出版起奉送三日概不取費現計自九月十八日起已逾一月所有外埠報費尚未寄到務望閱報諸君將前項報費按月結算寄下無任盼禱敝館事務冗繁不暇專函奉佈祈原宥爲幸 本館告白

津永印書館廣告

本館承辦上海南方報廣告 本館現承上海南方報囑爲代派有欲購閱者祈向本館送報人訂定可也

本館開設上海棋盤街中市專售各種印書機器及頭三四五六七八九號全副活字並精製銅模鉛板印字器件一應俱全發兌各色洋紙洋華英字典典學校課本各種實學新書精印中西書報各項文件又延請日本東京名手專製電氣照相銅板五彩石印工料精美久已中外馳名如欲辦機器銅模鉛字及託印書報者請向本館接洽價目克己以廣招徠此佈



本局向在日本開辦多年所有一切印刷工藝無不悉近由日本運到機器無不精良工價廉宜且能代客設計各種花邊及各種中西文字大小字樣並能代客設計各種花邊及各種中西文字大小字樣並能代客設計各種花邊及各種中西文字大小字樣

南洋副票頭彩壹萬元本月十三日開彩

本號浙江彩票南洋副票頭彩壹萬元本月十三日開彩 本號浙江彩票南洋副票頭彩壹萬元本月十三日開彩 本號浙江彩票南洋副票頭彩壹萬元本月十三日開彩

上林春酒茶樓新張廣告

擇於十一月初一日開張 本號酒以合歡適口宜期玉饌茶能療渴佐食貴有紅綾本樓開設開日夜咄咄立辦招呼通靈加以淨凡明窗窗無須居竹吟風弄月賞心任便移花食品可人價值克己預此報聞

教育雜誌

每冊二角全年二十冊共價大洋三元二角 孟晉同文各書坊均行代售

本報要目

◎十二月初三日第七十七號
論說▲論國民不可無政治思想
譯件▲日俄戰爭與國際法之伸張
專件▲各種銀行制度概要
要聞▲請裁三院紀開△議設海軍大學堂△奏請添設官缺△留學生抗爭苛則三誌△上海大開公堂案十誌
各省新聞▲演試電氣新砲△江督批縣丞黃濟民茶務條陳△停辦織布廠消息
各國新聞▲俄使調任紀聞△神戶特別新聞紙出現
奏議▲欽天監奏擬請將國子監算學改為欽天監天文算學摺

論說

論國民不可無政治思想

國家者聚無數人民而成立者也。故國家之盛衰強弱。必視國民之愛力以爲比例。而國民愛力之深淺。又視乎政治思想之有無多寡。以爲比例。其國民苟無政治思想。或有之而僅居至少之數者。則其國家亦必衰且弱。吾國自庚子以後。上自宮府。下至氓庶。咸奮發爲雄。欲洗從前之恥辱。而進於強盛。近月又奉 特詔。命澤公等五大臣。出洋考察政治。又命於京師立考察政治館。開誠布公。並觀兼聽。欲合全國人民。均發抒政治之思想。洵千載一時之盛會也。東西各報。咸頌美此舉。英國一千九百零五年八月三十日。司葛司門報云。中國簡派大僚。考察立憲政治。實爲非常曠典。他日五大臣歸國。其所報告。與夫清國政府所設施。必爲全球所注目。國中學界諸人。亦當有所豫備。以待新政之設施。要之使節此行。必有所獲。吾知一千九百零六年之新史。必爲黃色種人新時代肇端之日矣。(見外交報第二十五號)夫英亦立憲之國也。司葛司門日報。亦爲新聞社之有特色者。彼其所言如此。吾中國朝野上下。宜如何作興鼓舞。如日初升。以期鑄治此黃種人之新時代乎。彼所云學界中人。尤當有所豫備。以待新政之設施。所謂豫備者何也。即國民之政治思想而已。豈惟學界。即商界農界軍界實業界。苟附於中國之版籍。而周乎軒輶黃帝子孫之列者。即不能缺政治之思想。彼學界與政界中人。尤尤處乎重要之地耳。蓋國民之政治思想。即人體之神經也。吾國自秦政以專制馭天下。焚書坑儒。愚弄黔首。漢承秦敝。附庸叔通。又定朝儀。以媚高祖。堂隆之分益。隔君民之情。愈疏。國民之神經。久已黑闇渙亂。無所統宗。沿習數千年。不知政治爲何物。今爲列強盤渦所逼。二賢者。始如大夢初覺。知人民之與國家。有重大密切之關係。因舉愛國合羣之義。喚同胞而使之警覺。然彼昏不知。視天夢夢者。猶占全國之多數也。吾請即日本之往事。述其概要。以爲國民先路之導。可乎。

日本板垣退之助之創立志社也。先貽書同志。布告宗旨。略謂世運之進化。與人民之奮勉。實相俟而成。我輩同爲日本帝國之人民。宜乎無貴賤尊卑。皆得享天賦之權利。惟因不能自治。獨立故元氣渙散。存依賴政府之思想。大本已撥。何以立於天擇物競。優勝劣敗之世界乎。婆心苦口。不憚煩言。卒能達其目的。後因區域尙隘。又推廣立志社之宗旨。別結一愛國社。當愛國社成立之初。日本全國人民。尙乏政治思想。入會者僅四十餘名。如小室信夫。井上高格等。本爲自助社員。與板垣等合併一社。此外寥寥若晨星。歷史稱爲極少數之議會。然自此以後。政黨之勢力日隆。民權之芽遂發。人人皆知愛身以固團體。團體既固。各張自主之權利。分任應盡之義務。小則可保全家族社會。大則可維持天下國家。并不難與歐美列強爭雄對峙。厥後論日本憲政之成立者。推原事始。咸歎東瀛氓庶之政治思想。實於此時勃然而生。蓋板垣與小室井上諸君。推輪大轡之功。殆有百世不祧者矣。(肩) (未完)

譯件

日俄戰爭與國際法之伸張(再續)

第二 凡國際法必區別於領土與領海而兩者之間劃一大畛域。如以侵入敵地而占領其領土者。則因軍事上權利之執行而有視爲交戰附帶之一行為矣。但世之學者謂此僅由交戰國軍事上之必要而於敵國軍隊所棄之領土。得一時之領之權利。故凡占領之效果。其屬於領土之主權者。於其所有權。自然無轉移之力。反之處戰敗之餘。其君主奉其領土之全部。或一部。以投降者。是謂之征服。而當附於交戰終結手段之一。惟征服之效果。不問其區域巨於領土之全體。與限於一州或數州。而其土地業定有歸入戰勝國版圖之力者。從而其土地人民自舉屬於敵國政府之權力。而遂不可不照其法律制度。以爲管理。此即爲戰勝國得以自國之主權。宰制其征服地之開始也。夫占領與征服之區別。既如彼之劃然不同。然吾輩則主張廢止其區別。願全然撤去兩者之藩籬。而定荷過戰事以占領之領土。必斷定爲征服地。俾征服者可獲得其主權。並所有權全部之原則也。維時人或或有譏此說謂不合於國際之法理者。雖然。戰之性質。本非道義慈善之事業。且既因伸達權利之方法。而施用屈服敵國之猛烈手段。則便非可望爲信義輯睦之事理。極明白。是則依戰爭之動作。而遂享受其所得之利益。尙無不可。之有矧其照交戰附帶之行為。而有獲得同等權利之事。例於事敗不足異也。夫論在海戰之軍艦。捕獲與在陸戰之領土。占領非同一事。態耶。而軍艦之所有權。一瞬間轉移於敵國者。則以法之所認。而爲定則。矣。第念陸戰之

根據以土地而海戰之根據以軍艦。其事初無分別。故若軍艦以推言之。則當謂非在海上之國之領土。耶。又軍艦之所在。主權即隨之。而在其理已爲世人所公認。設更準此以研究領土之問題。當益信吾輩所主張之非背理也。(未完)

專件

各種銀行制度概要(七續)

第二十四條 債務者還過借款五分之一以上。可請求退還相當之抵押物之一部分。其餘亦可從此辦理。
第二十五條 日本勸業銀行對拖欠按年償還金之債戶。雖在償還期前。亦可令其全部償還。
第二十六條 日本勸業銀行如抵押物之價格低落。對於貸出金償還金不足。如第十八條所定之數。可令債務者增加抵押物。或償還與不足數相當之貸出金。
債務者不應上項之要求。雖在償還期限前。亦可令將貸出金如數清還。
第二十七條 抵押不動產之全部。或一部。依土地收用法而被收用者。雖在償還期前。日本勸業銀行亦可令其償還。借用金。惟債戶以收用之補償金。作抵或另以相當之不動產。爲增抵當者。不在此限。
其取用祇一部之時。可應其多寡要求償還。
第二十八條 市町村及其他法律組織之公共團體。於無抵押之年。還金定期償還金。如過期不付利息。日本勸業銀行可向其監督官廳請求。
前項之情節。府縣則對內務大臣請求。市町村其他法律組織之公共團體。則對第一次監督官廳請求。
監督官廳接上項之請求。即當命市町村及其他法律組織之公共團體。補納延滯金。及第二十二條所定之利息。
第二十九條 日本勸業銀行可承受各農工銀行所發行之農工債票。
第三十條 日本勸業銀行承受農工債票。即可調查農工銀行之業務及財產之實情。
第三十一條 日本勸業銀行可代爲保存金銀地及有價證券。
第三十二條 農工銀行如營業上得有盈餘。可購買各種之國債。證券。地方債。證券。並可將盈餘存於大藏大臣認可之確實銀行。除前項所列之外。不得動用盈餘之款。
第三十三條 日本勸業銀行不得爲本法律所定以外之事業。
第五章 勸業債票
第三十四條 日本勸業銀行如收資本金至四分之一以上。可發行已收總額十倍之勸業債票。但不得過年還貸金及所承受農工債票之總數。
第三十五條 勸業債票以二十元以上。爲限。票不署名。惟附股者或所有者。呈請署名。准予署名。
第三十六條 日本勸業銀行視年還貸金之總數。每年至少製發二次償還債票。
日本勸業銀行償還勸業債票。可附加彩票。但其方法及金數。須大藏大臣認可。
第三十七條 日本勸業銀行因更換農工債票起見。可通融第三十四條之限制。發行利息較輕之勸業債票。
利息較輕之勸業債票。發行後限一月內。須製發償還舊勸業債票。
第三十八條 日本勸業銀行每年照章定期付利息二次。
第三十九條 日本勸業銀行如遇分年攤還貸出金。拖欠不歸償還。當作銀行虧損者。及承攬之農工債票。因發行之農工銀行解散。不能償還全額之時。當與第三十六條所定償還之時。同時製發與照以上二者金額相等償還債票。
第四十條 勸業債票所有主。如過十五年。不取元本。過五年。不取利息。以後則無請求之權。
第四十一條 偽造勸業債票。或變造而使用者。照刑法第二百四十四條處罰。其有模造者。則照明治二十八年法律第二十八號通貨及模造證券管理辦法辦理。
第四十二條 凡勸業債票事項。不載在本法律者。合用明治二十三年法律第六十號。
第六章 準備金
第四十三條 日本勸業銀行每年可提積餘利百分之八。以上。作爲準備金。以補資本之缺損。又可提積餘利百分之二。以上。爲平均分派紅利地步。
第七章 政府之監督及補助
第四十四條 日本勸業銀行之業務。大藏大臣監督之。
第四十五條 日本勸業銀行更改定章。須經大藏大臣認可。
第四十六條 日本勸業銀行設立支店。或代理店。須經大藏大臣之認可。如大藏大臣以爲必需。設立支店及代理店之時。可命日本勸業銀行照辦。
第四十七條 日本勸業銀行非經大藏大臣之認可。不得分派股東之紅利。
第四十八條 大藏大臣如認日本勸業銀行之營業。有違背法令。或定章。及有害公益之事。可下限制之命令。(未完)

ANNOUNCEMENT.

We have the pleasure to announce to our foreign friends and English speaking countrymen, that we shall in the near future insert the important news and articles in special columns of our paper in the English language.

請看請看

宮門抄

十二月初一日 外務部 欽天監 侍衛處值日無引
見 劉公假滿請 安 甘肅新疆巡撫聯魁請 訓
河南城守尉德馨請 訓 阿克東阿續假十日 徐會
澤續假十五日 吏部呈進月官卷 召見軍機 聯魁
德馨
十二月初二日京電本日 召見軍機 寶霖

諭旨

十二月初二日京電本日奉
上諭商部奏籌辦商務總局摺請旨飭辦一摺現
在振興商務招商集股端在誠信相孚不容有官員影射
濫混任意妄為乃該總局在吉林撫署商務員並有冒
支款項情事實屬荒謬記名副都統即補辦商務員即行
革職並著該撫嚴拿押解回吉歸案訊辦以示懲儆欽此

電報

◎西十二月二十六號倫敦來電
▲俄國內亂一 麥斯可之步兵與亂黨戰直至禮拜日夜
半因天氣黑暗始行停罷 法政府現亦調派兵艦兩艘開往
俄國保護僑民 禮拜一早間調查麥斯可死傷人數計死者
五千名傷者一萬四千名夜間又復開戰有數處地方極力死
守民人被殺者甚多現在城中頗有絕食之虞
◎西十二月二十七號倫敦來電
▲俄國內亂二 麥斯可新聞云亂黨見兵士効力於政府甚
為失望然彼等作亂之志仍不少懈
▲英德聯盟問題 現德人對於英德聯盟問題甚為熱心柏
林官場聚議時商會中人亦與其列并建議公請英國公使提
議此事

要聞

▲請裁三院紀聞
閣府會議以奉宸上駟武備三院事務清簡擬即奏請
撤 所有各院事務併內務府管理不日具奏 (續)

議設海軍大學堂

近日練兵處王大臣提議擬與海軍事件擬在 上海 設立
海軍大學堂一所招生肄業以備將校士官之選聞已
詳考各國海軍大學章程並電致南洋大臣派員赴滬相度建
堂地址繪圖貼說咨送核辦 (續)

奏請添改官缺

月前吉林黑龍江兩省將軍會奏以吉江兩省交界之處地方
遼闊原設各官不足以資控制擬請將 伯都訥廳改
為府治並添設知府二缺知縣五缺等語聞
已交政務處議奏其詳俟探明續誌 (案)

留學生抗爭苛則三誌

政府前因東京留學生抗爭苛則全體停課擬奏請撤同楊公
使以陶觀察大均往代嗣因陶觀察再三以不能勝任辭遂罷

其議現聞擬電飭考查政治大臣之赴日本者傳集各校學生
切實開導一面電飭楊公使迅與日本文部省將新訂
留學規則磋商刪改以孚衆望 (案)

上海大鬧公堂案十誌

甲)西報電音彙譯 天津太晤士報接上海十二月二十六
號(中歷十二月初一日)電云英國兵艦於今晨運到兵三百
五十名又英兵艦溫求爾號擬於明日開往香港 又接電
云英兵艦溫求爾號暫不開往香港所有英艦俱在上海停
泊 明日德艦仍往會審公堂陪審 法國兵艦底司喀提
號現亦停泊上海
(乙)英政府不允撤退德領事 天津益聞西報云駐北京英
公使照會外部云現接英國外部來文英政府不能因會審公
堂之案將上海領事德領事司馬司森撤退英政府於
黎黃氏一案所以速令上海英員將黎黃氏等一併釋放者實
係顧全中英之交誼也

丙)蘇州商務總會上蘇撫請留職員公呈 為上海租界職員
愛護商民力爭主權環乞主持成全以維國體事竊本年十一
月十二日上海公共租界會審公堂英捕毆人一事英領事
及英捕頭受文明國之教育為此極不文明之舉動職員關承
金令領直不阿力爭主權商民同深感佩等語接上海
商家來函知照承金令平日辦理會審案件一秉至公商民受
益與論翁服服口同聲此舉准情酌理在英捕始無疑義相
應環求大公祖大人俯念租界職員為國權體所繫保全職
員即所以保全商界界上之全體利益蘇滬一體伏乞成全
不勝待命之至謹呈蘇州商務總會公呈

丁)黎黃氏之失單 黎黃氏釋放後檢行李失物多件
開具失單向英捕房索賠已紀昨報茲將所開失單錄左
青綢紗夾衫一件 青綢紗夾套褲一雙
雪青綢紗腰帶一條 天青綢紗褂一件
藍布短衫一件 銀信一封
雙銀赤金戒指十個 鷹洋四十五元
鈔票三張計十五元 另失行李三大件

本埠新聞

●車站紀事 北洋銅元廠派差押運銅元一百三十箱每箱
一萬枚於初二日由津裝火車往豐潤縣交納△陸軍糧餉局
於初二日運送皮被褥四百五十床往保定交軍醫學堂預備
病兵使用△礦務局總辦陳觀察於初二日由唐山來津
●督憲牌示 照得正定鎮標右營守備董漢卿任遺缺應以
期滿雲騎尉世職李恩林補授除會奏外合行牌示為此示仰
遵照毋違

●運憲批示 口岸商人振德莫批 據稟馬莊村正之子王
四率眾奪犯毆傷巡兵實屬膽大妄為目無法紀既據稟報將
王四傳案候訊飭天津縣勒令速將奪去巡犯犯大暨私運交
案訊究明確一併按例懲辦毋任飾詞狡展此批
●日使去津 昨晨九點鐘日本小村大使乘專車赴皇島
換輪東渡是時中日各官均赴車站送行并有袁宮保委派
之段統制帶同樂步兵排恭送如禮
●巡警局添聘教習 京師內城工巡局教習景君雲卿留學

日本警察畢業生也辦理警務頗能盡力昨巡警總局以教練
需人專函延聘聞景君已許諾約在日內可以來津
●鄂飭通津 湖北大憲委派大挑知縣陳大令琦管解第九
批京餉銀四萬兩赴京交戶部昨已抵津
●鄉警加操 東鄉巡警分局正巡官倪欽君辦理地方事件
頗為認真現各鄉警兵每星期內必加操三次以期巡防得力
●教堂落成 東南城角北馬路現設聖道堂一處業已修理
完竣於昨日開講

●開修車路 本埠東局機器廠自庚子亂後改歸法國駐兵
現該廠又擬開修車路一條由法國橋直達東局刻已鳩工安
設鐵軌矣
●請換村正 北鄉霍家嘴趙家莊小孫莊等村村正王寶林
等多有劣跡現經四鄉巡警局查明詳縣將該村正等一併開
除另行派人接充
●保釋瘋犯 前有瘋人王庫因偷放巡警兵洋槍被獲送縣
監禁現在監中已經醫將瘋病治愈昨日其父王泌特赴縣稟
求保釋

●滋鬧被拘 有韓禿子者於初一日在天津茶園觀劇忽
因細故與賣鮮貨之某甲口角國王向前勸解而韓益滋鬧遂
為日捕拘去送警署處置聽候候辦

北京新聞

●吏部批示 准東城副指揮加四級褒文肅呈請地封外父
母等因查定例官員地封外祖父母者准其地封其餘外姻一
概不准地封今該員所請地封外父母之處核與定例不符礙
難照准相應批示該員將原奏公費收支所自行領回可也
●遞解劣紳 商部前訪得有四川劣紳周維翰朱子鳳二人
在京借籌鐵路為名到處招搖當會工巡局傳提到案並
起獲川漢鐵路圖一紙詳細研究諸多違礙隨行如川督查明速
覆茲據咨覆有川漢鐵路早經奏明辦理極為妥慎周維翰等
竟敢於奏定之案詞招搖實屬不知自愛等語現商部據咨
後已將周宋二人送交大興縣遞解回籍交地方官嚴加管束
●俄國允保護留學生 留學俄國七省學堂學生前因俄
國內亂曾電請政府設法保護現聞此事已由外部電達駐俄
胡欽使令與俄國政府切實商辦昨昨使已有復電到京云現
俄國已允認將各學生實力保護以全兩國交際

●公使夫人觀學 總布胡同之淑範女學校辦法極精完善
昨聞有美公使夫人克義之夫人特帶同繙譯一員來校參觀深
贊中國女學之進步是日校長亦備茶點以示歡迎
●設立直隸學堂再誌 直隸同鄉京官組織直隸學堂議定
以宣武門大街直隸新館暫為開學之地已紀前報茲再將公
舉總理各員詳列於下 總理 劉恩溥 譚毓鼎 李士鈞
監學 蔣式理 幹事員 劉學謙 許廣梅 會計員
袁廷彥

●巴塘匪亂又起 四川巴塘番匪已經馬軍門平定凱旋昨
聞政府又接到川督錫清帥來電以刻下巴塘地方匪黨又大
形蠢動請指示辦法現政府已電覆令會同駐藏大臣加兵防
守

●查禁私錢 前日步軍統領衙門巡警部順天府會銜發出
告示一道畧云本年春間京城私錢充斥百物騰貴有害民
生節經本衙門等先後出示嚴禁並分飭所屬勸諭商民遵用
銅元大錢及當十錢票一面密飭查拿攔用私錢店鋪分別懲

罰各在案乃市俗惟利是圖甘心玩法近查京城內外街市兌
換銀錢每吊又復攪入私錢至四百文之多似此擾害市塵
流毒伊於胡底亟宜重申示禁為此示仰京城內外軍民鋪戶
人等一體知悉如再有店舖暗收私錢攪入使用情事准軍
民官役巡捕人等拿交該管地方衙門所從重懲罰並將房
屋發封

●議設八旗中學堂 八旗高等學堂本號前八旗中學堂改
建而成者現在總監督熙麟附侍郎擬再設左右翼八旗中學
堂二所以宏造就其現在高等學堂內附設之中學堂新舊兩
班學生即作為高等正科

本省新聞

●臬憲批示 清苑縣婦魏氏來司呈控一案 魏洛秀
為氏夫何人氏夫家魏張氏又為氏夫何人如非至親的屬
焉能將氏家金銀衣飾房契帖張無端捲而去迨魏洛秀等
將氏控告如果明媒正娶且已生有子女該縣亦必推情度理
何致不容分說立逼具結該氏為魏家夫人故不問其將誰歸
若嫡庶不知難以同處不妨據實訴明該縣自有公斷候札飭
清苑縣覆訊明確秉公酌斷詳覆核奪該氏即回縣備質

●官場紀事 委署平鄉縣知縣裴大令季倫於前月二十九
日赴藩臬各署稟辭赴任△晉州知州王刺史秉謙現因要公
來省住皂君廟福慶堂客棧
●慎重路政 時交冬令點水成冰省城鋪戶居民向以殘水
澆灑道路為圖免塵土起見原無不可無如冰澆路面不能乾
透即成冰塊行人車馬均不免有難行之苦且來年化凍時泥
水滿地尤礙行人昨巡警局特出示禁止并諭令凡有水道通
官道各家均不得在官道澆水以期居民行人一體方便
●武備學生回晉 前山西咨送武備畢業學生數十名到省
分派陸軍隨營練習已紀前報現聞諸生學期屆滿請到回文
已於昨日一律過回晉省

●面試雜人員 藩憲毛方伯前諭令本省候補佐雜各班
如有一藝之長者均准來報註冊報考以規觀望現聞投考者
共有四十餘員已發出諭示定於初一日在署面試
●保定工巡局須訂管理旅店法 一店主姓名及籍貫年歲
房間數目租自何人租價若干或自己產店影姓名開張年月
日均須蓋用圖記具簿呈報該管警局核實立案 一店內雇
工人等須用切實保人如有新添告退立時呈報 一店內房
間責成店夥務要隨時掃除潔淨於衛生有益 一店內房間
均須編定號牌懸掛門首粉牌寬一尺長二尺上書第幾號房
住某客以便查考 一住客進店詢問姓名年歲籍貫來自何
處赴何處及其事業親丁男女僕婦數目姓名行李若干件內
中有無多餘錢財或無從從帶行李者均須先登號簿此簿
每晚十點鐘前赴該管警局查考如單身並無行李者非有安
保不得容留 一店內賬房及客房門口應掛油粉牌註明價
目每日每間房價若干飯價若干小及及僕人飯價若干或每
日一付或一星期一付飯菜務要潔淨或不買飯或係小店旅
客夥住房間每位房錢若干均須註明免致日後爭執 一住
客若帶軍器及違禁之物店主當隨時報明該管警局查驗
一遇有攜帶婦人及幼童婦女舉止有異及與其來往之人素
皆不端以及神色張皇形跡可疑言語參差客人攜帶貨物不
識其貨價值多寡少值少要價太多者迅即報局聽候盤詰
(未完)

各省新聞

政事

◎批斥米商再請弛禁 各米商連動官場稟請開地米禁當經蘇撫陸春卿奏明只准以年終為止各商意猶未足近由恒萬等行復在撫署具稟情願常年報銷地捐銀三千兩錢八萬串又學堂經費五千串如蒙永遠開禁并願再加正捐二成春帥以該商願捐巨款非偷運出洋安有如此利息顯見藉捐嘗試妨害民生實屬奸猾已極除將原稟痛加駁斥外仍飭遵照前案毋違 (江蘇)

◎委員兼辦洋務 鄂督張宮保以前由湘調鄂之金大令委辦接取粵漢鐵路圖表文件辦理均甚妥洽并深諳交涉特添札派充轄下洋務委員以資臂助 (湖北)

◎交涉 籌款局前飭縣署復如左

◎聊城縣署復洋商設行賣票事 籌款局前飭縣署復如左

◎聊城縣署復洋商設行賣票事 籌款局前飭縣署復如左

學務

◎通飭嚴拿學生 日本留學生沈紳係由江甯考取派往近經學務處查其來歷不明咨會監督將其學費革除詎沈紳迫已極遽逞強硬手段深夜帶刀往見監督索借盤費洋若干當被勒去洋三百餘元潛逃回國由李監督電請周玉帥分行甯蘇兩學務處通飭各屬一體緝拿以爲不守學法度者戒聞已由甯移文到蘇並開具該生年貌以便飭拿 (江蘇)

◎捐廉興學 署甯邱縣勞文琦大令因舊設小學一區腐敗已極遂慨然捐助巨款商請紳士太史等另建高等小學堂一區規模極其宏敞刻已稟請中丞札飭學務處立案想不日即可招生開學矣 (安徽)

◎批飭維持學費 浙江山陰鑑湖一帶士民葉某等各就菱塘按畝納捐設立學堂業已稟准茲因民人魏大貞私蓄草魚致將菱花食盡故由葉等投稟學務處當奉批示云蓄養草魚既經地方官給示諭禁在案魏大貞何得任意抗違致礙菱業該生等抽捐興學具見熱心該縣亦宜體察情形維持公益紳紹興府速飭山陰縣查明前案嚴行禁止毋任擾累菱業是爲至要 (浙江)

◎電飭報解科場款目 浙省士紳因創辦學堂首重師範前適停止科舉故即請以貢院改設師範學堂撥款開辦茲又由北京學務處奏准提解已奉學部電咨到撫原文照錄 本月初三日學務處奏請提解各省報部外銷各省科場款目仰邀俞允鑒於奉 旨後飭司將各項實數彙造清冊從速送京一面備款迅解以應急需學務處經費支絀情形畧見原奏自科舉停止後對酌累月實因別無籌款之法方有此奏各省興學緊要分當兼顧惟籌款一層較京稍易權衡輕重似應急於先務執事公忠閱抱夙所欽遵尙乞加意維持俾於應辦各事有所措手公益所關感盼何極 (浙江)

軍事

◎浙撫會商軍務 新任浙撫張中丞由漢起程來杭擬欲整頓一切緣浙西匪徒猖獗故特繞行至蘇與陸中丞籌商擬將兩省水陸聯合嚴加痛剿以免養癰成患刻張中丞在蘇已預定於本月初四日接篆并通飭地方文武概免迎送 (江蘇)

◎演試電氣新砲 浙省現正改良軍務一切軍械殊形不足適有美商來杭以新式電氣砲求售據稱甚爲靈捷因奉署撫瑞留守諭知營務處及製造局各員并照會駐杭美領事著該美商攜砲至鳳山門羅木營大校場演放如果合用再行議價

財政

◎議仿南北洋設立官錢局 皖撫張帥近以銅元廣鑄充斥市面亟宜預爲設法自保利源現在每銀一兩已易錢一千六百餘文將來如再有加無已其情形實不堪設想擬照南北洋官錢局章程辦理以期維持國法刻已飭司核議不日可見實行 (安徽)

◎稟請禁用外省銅元 安徽州府全屬州縣聯名具稟撫轅以近日皖省鑄造銅元日形充斥而商民往往將外省銅元販運來皖價目因更日賤請仿照山東直隸等省禁用外省銅元章程辦理以維國法未卜撫憲如何批示也 (安徽)

◎續廈門常關改訂稅務章程 六甲由輪船進口各貨復出口往口外各處如有紅單須完則例全稅十分之八作爲例耗若日須納各貨一概豁免如無紅單則須加征一全稅復出口往口外之貨物不在例內者如有紅單須照值百抽二完稅若無紅單則照值百抽四完稅乙貨物復出口入內港各處如有紅單須照例完稅十分之四作爲耗例其貨物不在例內者如有紅單須照值百抽一完稅若無紅單則照值百抽二完稅 丙小單仍照舊日發給與復出口零碎貨物至九十九斤布疋至九十九丈爲止不論張數所收例耗與復出口有紅單之貨無異即復出口往口外各處完則例全稅十分之八口內完則例全稅十分之四也并不收取小單費及別費小單似此收法特爲恩卹實在搭客與趁市小販而設其貴重貨物須照舊日大單例完稅

七本地土產出口往外澳須照例完一全稅再加全稅十分之八以代現時所收之出口與復出口費其往內港者須完則例全稅再加全稅十分之四以代現時所收之出口與復出口費則例所無之貨往外澳者則照估價值百抽四完納往內港者值百抽二并無例耗

八所有零碎洋土各貨合共價值不過二十元且屬實在搭客者免稅若過二十元以外須照小單完納 (未完) (福建)

路礦

◎建設礦務總局 皖省近日礦務日有起色非專設總局不足以資振興誠中丞奉准商部來咨皖省應建礦務局一所綜攬大綱現特就小南門內開闢廟前地方鳩工建造 (安徽)

◎勸集路股 鐵路總辦李方伯移請江南候補道許君西觀察代募商股其文略謂敝總局由商部及西撫會同江督先後具奏奉 旨開辦所有江西通省鐵路悉歸本公司總理茲擬先從九江以達省城爲幹路之第一段起名曰南潯鐵路俟此路告竣再由省城以達吉安爲幹路第二段由吉安以達贛南預備接續廣東爲幹路第三段此外道遠莫以通湘撫建以通閩道廣信以通浙爲鐵路三枝路先幹後枝次第興辦雖工程浩大需費甚繁而收利實屬廣遠除已有籌有的款辦理外仍應再爲招股分藉資協濟素知貴道好義急公關懷大局定能多方勸導合力圖維俾得速成以保利權而弭後患希即設法廣爲勸導總期入股愈多愈妙云云 (江西)

◎集議礦務 浙省鐵路收回自辦所有盛宣懷前與英商怡和洋行議訂之草合同奉 旨著浙撫查照會同磋商撤廢業經全浙士紳與商學二界共三百餘人通稟外商二部旋又刊發傳單訂於上月二十一日在高等學堂集議務期趕速撤廢以保利權而免別生枝節也 (浙江)

實業

◎江督批縣丞黃濟民茶務條陳 茶務積弊已久皆由洋商操其低昂茶商急於歸本多至折閱必須創立公司代客買賣茶商即有緩急由公司以受其貨估給原本之六七俟得價售出再行劃扣如此則茶商不至急受受虧而廢居積貯操縱在我庶足抵制洋商然非招集鉅股不克週轉非熟悉洋行情形亦無把握此時會之有待者也中國商務絲茶爲大宗該員知從茶務講求於時政深明體要所呈設總會與茶票用機器開磚頭規模宏遠非事籌鉅款不足以振積弊而源利源至於茶茶樓之需索取茶棧之贏餘佔山價更稅則諸條無非劃劃弊端保全商本苟舉大綱則隨時損益又其餘事要若創立公司更爲直捷簡易矣現值幣項奇絀修舉新政日不暇給應俟財力稍充再行核辦 (江蘇)

◎停辦織布廠消息 刑部織布廠係邵君佩之創辦茲因邵君病故該廠經理無人故有暫行停辦之說 (湖北)

◎委辦農政 川省新設農政總局業於前日開辦茲悉局內一切事宜由許紫純方伯自行經理另委饒大令敦秩爲提調鹽大使葉祥尹懋濟及巡檢張少尹星樞等充當局中執事員 (四川)

雜紀

◎學務處建造房屋 安徽全省學務處向附設於高等學堂內左廂辦公刻以該處公務日煩執事人等不敷分住業已稟明大憲撥給經費若干以便建造房屋聞不日即可開工 (安徽)

◎劫案紀聞 順屬烏洲霞石鄉於前月初七晚北園地方突被盜匪連劫三十餘家初八晚又有大股匪徒百餘連劫墟心舖戶住宅共四十七家鄉人聞警齊出相拒移時被匪盡斃一人安勇追捕被傷者二人聞失賊約有七八十之多云 (廣東)

◎桂藩接印 桂藩張堅白方伯鳴岐日前由梧州改乘官舫上駛至昭平登陸業於上月初七日接篆視事一時部下各員咸往謁賀 (廣西)

◎教民上控 臨桂縣教民海官錫於前月赴省向撫藩臬各署許控團練總局會辦關裕祚太守捏詞誣聽各大憲已批飭洋務局督率臨桂縣徐大令詳加訊究矣 (廣西)

各國新聞

○俄使調任紀聞 傳聞俄政府擬將駐北京俄使瑞科第調充日本公使按此係日本橫濱傳出之消息也 譯上海太晤士報

○海參崴亂事已平 海參崴美國商務代表員函告東京歲埠現已平靖各舖戶亦一律開市矣 譯上海太晤士報

○俄國亂事紀聞 俄國克爾蘭及利溫尼亞兩處亂氛甚熾現德政府已調派輪船數艘前往救護德商民 庫爾德提地方之官兵極力勦殺亂黨死傷無算 駐滿洲之俄兵現亦叛亂有統兵官數員已被殺 聖彼得堡附近之農人堅結團體驅逐地主佔據田地 譯上海太晤士報

○公宴伊侯 日本東京銀行經理人并各巨商等公宴伊藤侯爵皆稱頌日韓新約之美善 譯上海太晤士報

○日將定期回國 攻陷旅順之日本陸軍大將乃木氏定於西歷明年二月中旬由旅順回國 譯上海太晤士報

○分設銀行 聞德華銀行華俄道勝銀行均擬在日本神戶開設分行 譯上海太晤士報

○神戶特別新聞紙出現 日本神戶新出現一種特別新聞紙名曰阿克普納(譯音)專為警署而設其經理人撤堪(譯音)君亦一警也撤君研究新法教育警署亦既有年今乃組織一報報中之字皆凸出紙面為警署者易於摩辨計也 譯上海太晤士報

○英艦迎接親王 香港總督現派海軍通信艦阿拉瑞號開往新嘉坡迎接英國阿爾斯親王前往日本有海軍大將塞穆爾君沿途保護(按阿爾斯親王係德皇大勳章於日皇者) 譯上海太晤士報

○德法會議摩洛哥問題 德法兩國現在西班牙京城會議摩國問題 譯上海太晤士報

○德國棉商會議 柏林棉花商人現正會議保護德棉抵制美商之策 譯上海太晤士報

○新金山尋獲沉船 新金山海口於一千九百零一年二月二十二號有太平洋郵船公司之氣船詹尼柔號沉於該處現經新金山輪船公司設法尋獲擬即起撈出水并囑由該埠開行之郵船不可宣洩此事 譯上海太晤士報

奏議

欽天監奏擬請將國子監算學改為
欽天監天文算學摺

為請 旨事本月初十日內閣抄出奉 上諭本日政務處學務大臣會奏議覆寶熙等條陳一摺國子監即古之成均本綜大學所有該監事務著即歸併學部其餘未盡事件著該會書等即行妥議具奏等因欽此伏查奴才等所管之算學係乾隆

戶部奏核銷四川省機器局用過銀兩摺

為核銷四川省機器局購置物料等項用過銀兩恭摺具陳仰祈 聖鑒事竊據四川總督錫良造報四川機器局光緒三十一年分購買物料及採買牙硝等項既經該督奏明在案今將用過銀兩造具逐款價值清單送部核銷並准戶部將臣部應銷各款銀數劃分知照前來臣部查冊開列紅銅淨銷硬鋼毛鐵條鐵錫鋼炭木炭板木炭木桶木匣木箱桶木槍殼鐵鐵盒油絲頭燭燭黃牛皮大麵酒水銀銷銅鐵砂白蠟蠟水生漆及採買牙硝等項共銀七萬一千八百一十一兩四錢二分六釐八毫一絲二忽五微又修整洋火藥局撞藥廠一座洋火藥局水機器河堰石堤一道河面石底一道水機輪車溝一條石墩一座共用銀一千零八十三兩四錢二分五釐八毫臣等派員按冊詳細核算所開各款均與辦過成案相符應准開銷所有臣部覆覆四川省機器局購買物料等項用過銀兩准銷緣由理合恭摺具 奏伏乞 皇太后 皇上聖鑒謹 奏光緒三十一年十一月十七日奉 旨知道了欽此

倉場奏修復廩座擬變通辦理片

再自光緒二十七年奏改新章裁併各倉城內僅存祿米兩新舊太北新倉與平六倉所有廩座年久失修並經兵燹坍塌頗多前經戶部奏准擇其可修者分年修復臣等於上年先擇牆壁腐爛頭頂坍塌者修復六十餘座本年又將已經坍塌者重新修造四十餘座每年江浙運京漕白糧一百萬石除撥實進倉九十萬石之譜每年開放俸甲及各項零糧米石外約計每年餘存十餘萬石查城內外七倉共廩二百一十六座現計逐年積存米截至年底已有一百一十四萬餘石廩房已佔

文苑

集陶 無隅
弱齡承乏暫為人所羈不謂行當久如何淹在茲揮毫勸孤影指彼決吾疑賜也徒能辨已矣當告誰

兩行 無隅
兩行紅粉發清歌一座齊傾金叵羅我醒而狂何必酒眼如傳舍閱人多

冥思四首之一 鄭齋
二千二百萬年後過去生中與未來一切有情無不死愛花猶傍劫灰開

醉美
本二首
荷花生日記相逢坐久幾通片語惹指銀簪彈入破爭待曲終魂與絕代人歸十年夢覺不分重疊汝蘭房曲曲此中容我來住同是生長江南飄零海上萍迹從頭數省識雙栖滋味好只恐燈昏天曙響脚香溫衾暖春暖值得相思苦晨粧未了者番低說休去

青溪咫尺恨垂楊遮斷小姑居處酒淺簾深三五夜知向阿誰私語門外天涯夢中顏色空寫傷心句蕭蕭瑟瑟一庭紅葉風雨多為釵鳳分飛鏡鸞孤舞帶眼寬如許客裏黃金容易盡無復文君寄與薄怒嬌啼千迴百折儘把佳期誤而今已矣怎生排此愁緒

小說

黑面塔 (冷譯) (續)

探偵 探偵
又既大偵探取時辰表出視之復語云
時已近我轉雪姬於後俟水門開時即見出君亦速自預備

義務告白

本館為贊助公益起見凡官立民立各學堂以及創興一切工藝事業關利者所登告白概不取資以盡義務特白

◎天津民立第一小學堂及附屬第八日蒙學堂招考學生白話廣告

諸位呀 我們學堂現在又招考了 諸位家裏 如有願意上學堂的 就可以開一個名條 寫明了學生的姓名 多大歲數 住在那裏 念過甚麼書 三代的名字是麼 再寫上一個引人 一個保人 亦寫明他的住址 就快快到東門內倉庫街 交給民立第一小學堂的帳房 他就給你記上 等到十二月二十日那天下午一點鐘(就是吃完了早飯的時候)帶著學生 到學堂等我們考一考 再定一個取誰不取誰 那不取的 就可以歸在後邊第八日學堂學 等著再升 大約這個學生 兩堂共總起來要招六七十八人 不論八九歲的 十來歲的 十七八歲的 全可以報名 這是甚麼原故呢 因為我們學堂 高等初等全要添學生 所以招得很多 但是一層 別的學堂裏的學生 沒有他們學堂裏的信保送 可不能收 要知道詳細章程 學堂門口已貼著呢 請過去看看就明白

義務告白

本館為贊助公益起見凡官立民立各學堂以及創興一切工藝事業關利者所登告白概不取資以盡義務特白

